

ԱՄՓՈՓ ՏԵՂԵԿԱԳԻՐ ՀԱՅ ՕԳԵՈՒԹԵԱՆ ՄԻՈՒԹԵԱՆ ԳԱՆԱՏԱՅԻ ԸՐՋԱՆԱՅԻՆ ՎԱՐՉՈՒԹԵԱՆ Յուլիս 2022 - Յունիս 2023



ՄԻԱՄԵԱՅ ԳՈՐԾՈՒՆԷՈՒԹԵԱՆ ՏԵՂԵԿԱԳԻՐ

Ներկայացուած՝

ՀՕՄ-ի 102-րդ եւ Գանատայի Երջանի 26-րդ Պատգամաւորական Ժողովին

30 Յունիս, 1- 2 Յուլիս 2023

Մոնթրէալ

Վարչական կազմ
ՀՕՄ-ի Գանատայի Երջանային վարչութեան 2022-2023 տարեշրջանի առաջին ժողովը տեղի ունեցաւ Կիրակի, 3 Յուլիս 2022-ին, շրջանիս 25-րդ Պատգամաւորական ժողովի ակարտին, Թորոնթոյի Հայ Կեդրոնի սրահէն ներս: Ժողովը միաձայնութեամբ կատարեց վարչական պաշտօններու բաժանումը հետեւեալ ձևով:

Ատենապետ՝ ԸնկՏ. Լուսին Փալանճեան, Մոնթրէալ

Փոխ-ատենապետ՝ ԸնկՏ. Իռէն Թիլման, Թորոնթո

Քարտուղար՝ ԸնկՏ. Արփի Սանոսեան, Մոնթրէալ

Ատենադպիր՝ ԸնկՏ. Ազգանուշ Հատիտեան, Լաւալ

Հաշուապահ՝ ԸնկՏ. Անի Հոթոյեան Ժողի, Թորոնթո

Գանձապահ՝ ԸնկՏ. Սիւզի Պոյամեան, Լաւալ

Խորհրդական՝ ԸնկՏ. Վալերիա Յարուստիանեան, Մոնթրէալ

Կազմակերպական

Ժողովներ - Երջանային վարչութիւն 3 Յունիս 2022 - 30 Յունիս 2023

միամեայ նստաշրջանի ընթացքին, Երջանային վարչութիւնն գումարեց 32 լիազուծմար ժողովներ, մեծ մասամբ առցանց, Zoom հարթակի միջոցաւ:

ՀՕՄ-ի Կեդրոնական վարչութեան շրջանիս ներկայացուցիչ՝ ԸնկՏ. Արմինէ Կարապետեան, ըստ կարելւոյն ներկայ գտնուեցաւ լիազուծմար ժողովներուն, սեմինարին եւ միջ-վարչական ժողովին:

Վարչութեան լիազուծմար ժողովներուն ընթացքին, օրակարգերը կ'ընդգրկէին՝ ՀՕՄ-ի 25-րդ Պատգամաւորական ժողովին բխած բանաձեւերու իրագործում, Երջանային վարչութեան տարեկան ծրագրերը՝ Սրտէ-Սիրտ, «Կանչ» հաղորդում, Երջանային վարչութեան երկամսեայ տեղեկատու (Newsletter), «Լրատու», կայքէջ, դիմատետր (facebook), թուայնացած անդամական տուեալներ (Database), սեմինարներ, Երջանային վարչութեան կրթաթոշակ, Կրթնապաստ ծրագիր, Հայ վարժարաններու տարեկան կրթնապաստ, Գանատայի տասը մասնաճիւղերու գործունէութիւն, հաշուական ու քարտուղարական աշխատանքներ եւ զեկոյցներ, Միջ-վարչական հանդիպումներ, Սուրբոյ երկրաշարժէն տուժածներու օժանդակութեան հանգանակութիւն, Ջաւախքի երիտասարդական կեդրոններու ի նպաստ հանգանակութիւն, Ջինուորի տուն վերականգնողական կեդրոն, Ուսանող ծրագիր, Ջոհնուած հերոսներու զաւակներ ծրագիր, եւ ժողովիս ուղարկութեան յանձնուած այլ ծրագրեր:

ՀՕՄ-ի Կեդրոնական վարչութեան ծրագրերէն բխած օրակարգներն էին՝ Արցախի օժանդակութիւն, Ջոհնուած հերոսներու զաւակներ ծրագիր, Ջինուորի վերականգնողական կեդրոն, Արցախի սահմանամերձ գիւղերու ընտանիքներ:

ընտանեկան ճանապարհային ջեռացման սարքեր, Որբերու ուսման ծրագիր, սուրիահայրութեան օժանդակութիւն, Սօսէ մանկապարտէզներ, Ախուրեանի Մօր ու մանկան առողջապահական կեդրոն/ծննդատուն, Ամանոր ծրագիր, ՀՕՄ-ի կրթաթոշակ, Լաւալոյն ուսանող ծրագիր, Ջաւախքի երիտասարդական կեդրոններու օժանդակութիւն, Պուկարիոյ Հայկական դպրոցի օժանդակութիւն, ՀՕՄ-ի 8-րդ նաւապոստ:

Վարչութիւնն բախնադրութեամբ քննեց իւրաքանչիւր հարց, իրականացած աշխատանք, յատկապէս 25-րդ Պատգամաւորական ժողովին որդեգրուած ծրագրերը կիրարկման վերաբերող հարցեր եւ կայացուց որոշումներ:

Երջանային վարչութեան գործունէութեան բարոյական եւ նիւթական բաժնի բոլոր մանրամասնութիւնները կը մնան վարչութեանս արխիւներուն մէջ:

Մեր հաշուապահական աշխատանքները կը կատարուին Quickbooks-ի միջոցաւ: Իսկ տուրքէ գերծ ստացագրերը ու վճարագրերը համար կ'օգտագործուի Chariteck համակարգչային ծրագրերը՝ առաջացնելու համար անոնց տպագիր եւ առցանց կրկնօրինակները:

Ներկայացուցչական դրութիւն

Մասնաճիւղերու հետ մնալու կապ պահելու, աշխատանքները հետապնդելու, ուղղութիւն տալու եւ խորհրդակցելու միտումով, վարչութիւնն հետեւեալ ներկայացուցիչները նշանակեց մասնաճիւղերուն մօտ:

ԸնկՏ. Լուսին Փալանճեան՝ Վանգուվըր-«Արագ», Ուիննիպը-«Ռուբինա»

ԸնկՏ. Իռէն Թիլման՝ Թորոնթո-«Ռուբինա», Միսիսոկա-«Առաջատար», Համիլթըն-«Արեւ»

ԸնկՏ. Անի Հոթոյեան Ժողի՝ Գեմպրի-«Մեդրի», Սենթ Գաթրիէ-«Արագ»

ԸնկՏ. Վալերիա Յարուստիանեան՝ Մոնթրէալ-«Սօսէ»

ԸնկՏ. Սիւզի Պոյամեան՝ Լաւալ-«Շուշի»

ԸնկՏ. Ազգանուշ Հատիտեան՝ Օթթաուա-«Սեւան»

Բոլոր ներկայացուցիչները հետեւողականօրէն կապի մէջ մնացին մասնաճիւղերու վարչութիւններուն հետ, ըստ հարկին ուղղութիւն տուին վարչական գործելակերպին մասին եւ ծանօթացան իրենց դժուարութիւններուն:

Մասնաճիւղերու այցելութիւններ

Միամեայ գործունէութեան շրջանին Երջանային վարչութիւնն մասնաճիւղեր այցելեց, ըստ յարմարութեան: Կատարուած այցելութիւնները տեղի ունեցան մասնաճիւղերու վարչական եւ երբեմն անդամական ժողովներուն, ուր արծարծուեցան իւրաքանչիւր մասնաճիւղի գործունէութիւնը, մտահոգութիւններն ու դժուարութիւնները, անդամական վիճակը, ՀՕՄ-ի քարոզչական աշխատանքի կարեւորութիւնը, վարչութիւններու նիւթական պարտաւորութիւնները, վարչական անդամ գտնելու դժուարութիւնները եւ երիտասարդ ուժերու ներգրաւման կարեւորութիւնը: Այցելութիւններուն ընթացքին ներկայացուցեցան նաեւ ՀՕՄ-ի Գանատայի Երջանային եւ Կեդրոնական վարչութեան

Ծրագրեր:

Երջանային վարչութիւնը իր լրիւ կազմով այցելեց հետեւեալ մասնաճիւղերը:

20 Նոյեմբեր 2022-ին՝ Օթթաուա-«Սեւան»

25 Նոյեմբեր 2022-ին՝ Թորոնթո-«Ռուբինա»

27 Նոյեմբեր 2022-ին՝ Միսիսոկա-«Առաջատար»

27 Յունուար 2023-ին՝ Լաւալ-«Շուշի»

Երջանային վարչութեան մասնաճիւղերու ներկայացուցիչները այցելեցին հետեւեալ մասնաճիւղերը: Մոնթրէալ-«Սօսէ», Գեմպրի-«Մեդրի», Համիլթըն-«Արեւ»:

2022-2023 տարեշրջանի ընթացքին, Երջանային վարչութիւնն չկրցաւ անձամբ հանդիպում ունենալ Սենթ Գաթրիէի «Արագ», Ուիննիպըի «Ռուբինա» եւ Վանգուվըրի «Արագ» մասնաճիւղերու վարչութեանց հետ, յարմար թուականի չգոյութեան պատճառաւ: Սակայն, վարչութեան ներկայացուցիչները առցանց եւ հեռաձայնային կապերով հարկ եղած ցուցումներն ու փոխանցումները ըրին վերոյիշեալ մասնաճիւղերուն:

Միացեալ ժողովներ

Վարչութեանս հրաւերով, Մոնթրէալի Հայ կեդրոնին մէջ տեղի ունեցաւ միացեալ ժողով մը, Երեքշաբթի, 1 Նոյեմբեր 2022-ին, մասնակցութեամբ՝ Լաւալի «Շուշի» եւ Մոնթրէալի «Սօսէ» մասնաճիւղերուն: Ժողովին փոխանցուեցան Երջ. վարչութեան տարեկան ծրագրերը: Ներկայ էին Կեդրոնական վարչութեան անդամ ԸնկՏ. Արմինէ Կարապետեան եւ ՀՕՄ-ի Որբախնամ ու Ուսանող ծրագրերու Հայաստանի գրասենեակի պատասխանատու ԸնկՏ. Անահիտ Մեսրոպեան:

Ժողովին ընթացքին 2022 տարեշրջանին Քեպէզ նահանգի գոյէճի եւ համալսարանի կրթաթոշակի արժանացող ուսանողներուն վճարագրերը յանձնուեցան:

Միջ-վարչական ժողով

14 Հոկտեմբեր 2022-ին, առցանց գումարուեցաւ միջ-վարչական ժողովը, որուն մասնակցեցան 10 մասնաճիւղերէն 55 ընկերուհիներ: Ներկայ էին Կեդրոնական վարչութեան ատենապետ ԸնկՏ. Նայիրի Տէրտէրեան եւ ՀՕՄ-ի ԿՎ մօտ Գանատայի Երջանի ներկայացուցիչ ԸնկՏ. Արմինէ Կարապետեան: Ժողովին ընթացքին ներկայացուցեցան Երջանային եւ Կեդրոնական վարչութեանց ծրագրերը, ինչպէս նաեւ մասնաճիւղերու գործունէութիւնը:

Միջ-վարչական ժողովի դաստիարակչական բաժնի ընդգրկեց հետեւեալ երեք նիւթերը:

- «Ժողովավարական կանոններ, քուէարկութիւն եւ ընտրութիւն»

- «Ժողովավարական կանոններու կիրարկումը մեր գաղութային եւ միութեանական կեանքէն ներս»

- «Ընդհանուր կանոններ»

Նիւթերը յարողաբար ներկայացուցին՝ ԸնկՏ. Նայիրի Տէրտէրեան, ԸնկՏ. Հուրի Նաճարեան եւ ԸնկՏ. Աննա Պուկարեան:

Յարաբերական

Երջանային վարչութիւնը ներկայ գտնուեցաւ մասնաճիւղերու անդամական ժողովներուն, ձեռնարկներուն, ամէնօրեայ ու միօրեայ դպրոցներու հանդիսութիւններուն:

ՀՕՄ-ի գնանալիս ձեռնարկներու կողքին, վարչութեանս անդամները ընդառաջեցին ստացուած հրաւերներուն եւ ներկայ եղան քոր կազմակերպութիւններու եւ պատկան մարմիններու հաւաքներուն, ժողովներուն եւ տօնակատարութեանց:

Ինչպէս միշտ, վարչութիւնն սերտ կապերու մէջ է Գանատայի Հայոց Թեմի Ազգային առաջնորդարանին, ՀՅԴ Կեդրոնական կոմիտէի եւ յարակից Երջանային մարմիններուն, Հայաստանի Հանրապետութեան դեսպանատան, ինչպէս նաեւ տեղական կազմակերպութիւններու եւ միութիւններու հետ:

ՀՕՄ-ի ննջեցեալներու հոգեհանգիստ

Վարչութեանս խնդրանքով, Գանատայի Հայոց Թեմի Առաջնորդ Գերշ. Տ. Բարսէյի Սրբ. Արք. Չարեանի կողմը ուղղուեցաւ Գանատայի Կիլիկիոյ Թեմի Առաքելական բոլոր եկեղեցիներուն: 26 Փետրուար 2023-ին, յաւարտ Սուրբ Պատարագի, հոգեհանգստեան պաշտօն կատարուեցաւ ՀՕՄ-ի շարքերէն առյաւէտ բաժնուած ընկերուհիներու ու բարերարներու յիշատակին:

Առցանց նուիրատուութիւն

Վարչութիւնը շարունակեց գործակցել CanadaHelps բարեգործական կազմակերպութեան հետ, որուն տրամադրած հարթակը օգտագործելով շարժական գումարներու առցանց նուիրատուութիւններ ստացաւ:

Հարկ է նշել, որ թէեւ այս հարթակը մեծապէս կը դիւրացնէ թէ՛ նուիրատուին, եւ թէ՛ Երջանային վարչութեանս աշխատանքները, սակայն նուիրատուութիւններէն գոյացած ընդհանուր գումարին 3.75%-ը կը գեղջնուի CanadaHelps կազմակերպութեան կողմէ, որպէս գրասենեակային ծախս:

Նուիրատուութիւններ ապահովելու համար, վարչութիւնն այս տարի եւս քաջալիքեց PayPal-ի, Facebook-ի եւ E-transfer-ի գումարներ օգտագործումը:

Հաղորդակցութիւն

Քարտուղարական - առաքուած գրութիւններ

	Անդամական Պատկեր						Ժողովներ	
	Անդամներ 1-06-2022	Լոր անդամ	Մասնաճյուղի փոխանցում	Մասնաճյուղի փոխանցում	Մասնագծ/ այլապես ուսուցում	Անդամներ 31-05-2023	Անդամական Վարչական	Վարչական
Արև Նախիթյան	28	0	0	0	1	27	5	6
Մեդի Գեմայրիճ	51	3	1	2	2	51	6	11
Մուս Ծորասուս	42	0	0	0	1	41	6	7
Առաքաա Միսիսյան	23	0	0	0	1	22	7	9
Արագ Մեյր Գաբրիել	18	0	0	0	0	18	1	5
Ռուբինա Ուլիսյան	13	0	0	0	0	13	6	11
Շուշի Լաւալ	209	15	3	0	5	222	10	36
Արագ Վահագնյան	57	0	0	0	0	57	6	8
Ռուբինա Թորոնթո	400	14	6	0	10	410	9	40
Սուս Մուսիբյան	403	5	3	0	4	407	10	33
ԸՆԴՀԱՆՈՒՐ	1244	37	13	2	24	1268	66	166

յատկացնէ 12 համալսարանական եւ 5 գոյէճի ուսանողներու, իւրաքանչիւրին տրամադրելով 1000 տոլար:

2022 տարեշրջանին համալսարանի կրթամթոշակ ստացան հետեւեալ 12 ուսանողները.

Արշակ Զաքարեան, Վանգուլըր Տիգրան Յակոբեան, Վանգուլըր Ռոզալին Կիրակոսեան, Գեմայրիճ Անթոնի Ազարեան, Գեմայրիճ Սարգիս Ղազարեան, Լաւալ Շանթ Շահինեան, Լաւալ Նարոտ Զաքարեան, Թորոնթո Լուի Պէրպէրեան, Թորոնթո Տանիէլ Այգ, Թորոնթո Սարին Զարչաֆեան, Թորոնթո Զարէճ Մարգարեան, Թորոնթո Արմէն Արթին, Թորոնթո 2022 տարեշրջանին գոյէճի կրթամթոշակ ստացաւ Սէրլի Ահարոնեան (Մոնթրէալէն):

Կրթական օժանդակ
2022-2023 տարեշրջանին վարչութիւնս կատարեց իր տարեկան նիւթական օժանդակութիւնները կրթական հաստատութիւններուն, ամէնօրեայ եւ շաբաթօրեայ վարժարաններուն, ամառնային ճամբարներուն, ծաղկոցներուն եւ մանկամտերներուն, նաեւ ըստ յարմարութեան ընդառուցեց տարեշրջանի ընթացքին անոնց կողմէ եղած բոլոր հրաւերներուն, տոնակատարութեանց կամ ամսվերջի հանդէսներուն:

Շրջանային վարչութեան կամաւորի մրցանակ

2022-2023 տարեշրջանին վարչութիւնս որոշեց շարունակել «ՀՕՄ-ի Գանատայի Շրջ. վարչութեան» մրցանակի տուչութիւնը: Սոյն մրցանակը կը շնորհուի Գանատայի հայկական ամէնօրեայ վարժարաններու երկրորդական բաժանմունքի աւարտական դասարանի այն աշակերտին, որ օրինակելի կամաւոր աշխատանք ցուցաբերած է դպրոցէն ներս, ունի առաջնորդի յատկանիշներ եւ գործուն մասնակցութիւն բերած է դպրոցական կեանքէն ներս:

2023-ին, Մոնթրէալի Սուրբ Յակոբ վարժարանէն՝ Վարդգէս Թիւֆէնքեան եւ Աննա Թեփրեան եւ Թորոնթոյի ՀՕՄ-ի Լափոյեան երկրորդական վարժարանէն Արիս Մովսէսեան արժանացան սոյն մրցանակին:

Մրցանակի նիւթական արժէքն է 250 տոլար:

Database
ՀՕՄ-ի Գանատայի շրջանի անդամացանկի թուայնացման Բ. հանգրուանի աշխատանքը հասաւ իր լրումին: Մասնաճյուղերու վարչութիւնները բաւական լաւ աշխատանք տարին անդամներու տուեալները ներկայացնելու եւ ճշգրտած թուականին վարչութեանս յանձնելու դժուր: Առայժմ բոլոր տեղեկութիւնները յանձնուած են պրն. Վարուժ Միրզանեանի, որպէսզի ներբռնէ զանոնք իր Bytec ընկերութեան ծրագրին ճամբով: Այս ծրագրին պատասխանատուներն են՝ ընկՏ. Իոէն Թիլիմեան եւ ընկՏ. Անի Հոթոյեան Ժողի:

մասնակցութիւնը բերին դանատահայ գաղութի ազգային-քաղաքական կեանքին:

Կազմակերպեցին ճաշկերոյթ, խրախուսանք, դաստիարակչական-դասախօսական ձեռնարկներ, տօնավաճառ, ընկերակցութիւններ եւ այլ ձեռնարկներ, որոնց հասոյթով կրցան նիւթական յատկացումներ կատարել իրենց շրջաններու հայ թէ օտար կազմակերպութիւններուն, գաղութի կրթական օժանդակներուն, Հայ կեդրոններուն, ուղեկից միութիւններուն եւ մանաւանդ ձեռք երկարեցին սփիւռքահայութեան եւ հայրենիքին: Դաստիարակչական իմաստով, մասնաճյուղերը կազմակերպեցին առողջապահական, ընկերային, մշակութային եւ ապագայ դեկալարներ պատրաստելու նիւթերու շուրջ դասախօսութիւններ: Անոնք փոխադարձ այցելութիւններով քաջակերպեցին զիրար, տօնական օրերու կամ յատուկ ձեռնարկներու առթիւ: Միասնաբար գումարեցին ժողովներ, ՀՕՄ-ի օր եւ Կանանց միջազգային օր:

Մասնաճյուղերու վարչութիւնները իրենց հերթական ժողովները գումարեցին շաբաթական դրութեամբ, իսկ անդամական ժողովները՝ ամսական դրութեամբ:

Մասնաճյուղերը իրենց տեղական բարոյական եւ նիւթական պարտաւորութիւններուն կողքին իրենց նիւթական պարտաւորութիւնները կատարեցին Շրջանային վարչութեան: Ըստ մեր բանաձեւերու տրամադրութեանց, անոնք օժանդակեցին ՀՕՄ-ի Կեդրոնական վարչութեան ծրագրերներուն եւ ի պահանջեալ հարկին անմիջապէս իրենց մասնակցութիւնը բերին սփիւռքի հրատապ կարիքներուն:

Մասնաճյուղերու թուական պատկեր
1 Յունիս 2022 — 31 Մայիս 2023

Տեսնել այս էջին վայ տեղադրուած աղիւսակ նկարը:

Դաստիարակչական Սեմինարներ
2022 — 2023 տարեշրջանին Շրջանային վարչութիւնը կազմակերպեց երկու սեմինարներ.

Ա. Կիրակի, 29 Յունուար 2023-ին, Մոնթրէալի Արմէն Կարօ եւ Կէօնճեան կեդրոնէն ներս տեղի ունեցաւ փոքր սեմինար, որուն ներկայ գտնուեցան 40 մասնակիցներ եւ նկատելի թիւով խումբ մը երիտասարդներ: Օրուան դասախօսն էր Շրջանային վարչութեան անդամ ընկերուհի Անի Հոթոյեան Ժողի: Ընկերուհին երկուքուկէս ժամ տեւողութեամբ ներկայացուց «The 7 Habits of Highly Effective People» գրքին գլխաւոր գլուխները եւ իր հարցումներով վառ պահեց ներկաներուն հետաքրքրութիւնը:

Բ. ՀՕՄ-ի Գանատայի Շրջանային վարչութեան կազմակերպած 27-րդ սեմինարը «Ոգեկոչել, ներշնչել եւ հեղինակութիւն տալ հայ կնոջ» թեմայով տեղի ունեցաւ 15-16 Ապրիլ 2023-ին Քիւնկըսթըն քաղաքի Տելիթա պանդոկի սրահէն ներս, ներկայութեամբ՝ 70 անդամներու: Շաբաթ, 15 Ապրիլին երեք դասախօսներ յաջորդաբար ներկայացուցին հետեւեալ նիւթերը.

- Առաջին դասախօսը՝ տոքթոր Սեդրակ Իսահակ, ներկայացուց «Քաղուած դասեր՝ եօթը հոգեբուական ըմբռնումներու շուրջ» նիւթը:

- Երկրորդ դասախօսը՝ դոկտոր եւ ընկերուհի Տանիա Օհանեան, ներկայացուց «Ղեկավարման մշակոյթը եւ ղեկավարին ինքնութիւնը» նիւթը:

- Երրորդ դասախօսը՝ պարոն Ժողէ Բիրանեան, ներկայացուց «Յաղթահարել վախը՝ ձեւաւորելով ճիշտութիւն եւ թուրքային ներուժ» նիւթը:

Կրթական
Շրջանային վարչութեան կրթամթոշակ Վարչութիւնս ամէն տարի \$17,000 կը

Միամեայ այս նստաշրջանին ընթացքին, Կեդրոնական վարչութեան յղած ենք 25 նամակ, մեր մասնաճյուղերուն՝ 37 շրջաբերական, իսկ մամուլի ճամբով՝ 4 հաղորդագրութիւն եւ կոչ:

Զանազան առիթներով 28 բացիկ ուղարկած ենք ընկերուհիներու, բարերարներու, ուղեկից կազմակերպութիւններու եւ յատուկ պարագաներու՝ կարգ մը ազգայիններու: Որոշ պարագաներու «Հորիզոն» շաբաթաթերթին միջոցաւ բարի ապաքինման մեր մաղթանքը, վշտակցութիւնն ու խնդակցութիւնը յայտնած ենք Շրջ. վարչութեան ներկայ եւ նախկին անդամներուն, մասնաճյուղերու ներկայ վարչական անդամներուն, մեր յանձնախումբերու անդամներուն եւ կամ կարգ մը ազգայիններու:

Ստացուած գրութիւններ
Նամակներ եւ բացիկներ

Այս տարեշրջանին ընթացքին ստացած ենք 54 նամակ, 4 կոչ-յայտարարութիւն, 9 բացիկ եւ օրական դրութեամբ բազմաթիւ ե-նամակներ, Կեդրոնական վարչութեան շրջաբերականներ եւ յուշանօթեր:

ՀՕՄ-ի Կեդրոնական վարչութեանէն ստացած ենք 19 շրջաբերական, 19 նամակ, 8 ե-նօթ, 5 մամուլ հաղորդագրութիւն եւ ե-նամակով բազմաթիւ նօթեր:

Վարչութիւնս օրին ընթացք տուած է Կեդրոնական վարչութեան կողմէ յղուած բոլոր շրջաբերականներուն, մամուլ հաղորդագրութիւններուն եւ յուշանօթերուն, ի հարկին հայցելով մասնաճյուղերու օժանդակութիւնը:

Շրջանային վարչութեան ծրագրերն են

- Կրթականաստ ծրագիր
- Հայաստանի Հանրապետութեան դեսպանատուն
- Վարժարաններու յատկացումներ
- Համալսարանական եւ գոյէճի աշակերտներու կրթամթոշակներ
- Սրտէ սիրտ խմբակցութիւն
- «Հորիզոն» շաբաթաթերթ եւ Մանկապատանեկան
- Ստեփանակերտի «Սօսէ» մանկապարտէզներ
- Սուրիահայ երեխաներու կազանդէժ
- Հայ դատ, դրամահաւաք
- ՀՕՄ-ի ննջեցեալներու եւ բարեբարներու հոգեհանգիստ
- Տեղեկատու/Newsletter
- «Կանչ» հաղորդում
- Սեմինարներ
- Միջ-վարչական ժողով
- Կայքէջ/Website
- Անդամացանկ/Database
- Դիմատետր/Facebook, ընկերային ցանցեր

Կեդրոնական վարչութեան ծրագրերն են

- Արցախահայութեան օժանդակութիւն
- Որբախնամ եւ ուսանող ծրագիրներ
- Զոհուած հերոսներու զաւակներ
- Լիբանանահայութեան օժանդակութիւն
- Սուրիահայութեան օժանդակութիւն
- Զինուորի տուն վերականգնողական կեդրոն
- «Սօսէ» մանկապարտէզներ
- Ախուրեանի Օրօ ու մանկան առողջապահական կեդրոն
- Ամանոր ծրագիր
- Զաւախքի օժանդակութիւն

Մասնաճյուղեր, Գործունէութիւն
Վարչութիւնս միամեայ այս շրջանին, 25-րդ Պատգամաւորական ժողովէն բխած՝ մասնաճյուղերը գործող դիւրու առընչուած բանաձեւերը յատուկ շրջաբերականներով փոխանցեց վարչութեանց եւ մօտէն հետեւեցաւ անոնց իրագործման գործընթացին:

Ինչպէս միշտ, անցնող տարեշրջանին եւս մեր բոլոր մասնաճյուղերը իրենց

Քարոզչական
ՀՕՄ-ի Գանատայի շրջանի 25-րդ Պատգամաւորական ժողովի աւարտին, 2019-2022 տարեշրջանի եռամեայ ամփոփ տեղեկագիրը լոյս տեսաւ «Հորիզոն» շաբաթաթերթի Օգոստոս 2022-ի թուին մէջ:

«Կանչ» հաղորդում
ՀՕՄ-ի Գանատայի շրջանի 25-րդ Պատգամաւորական ժողովի բանաձեւ թիւ 8-ի տրամադրութիւնը յարգելով, վարչութիւնը ընթացք տուաւ «Կանչ» հաղորդման պատրաստութեան աշխատանքին, 1 Հոկտեմբեր 2022-էն սկսեալ:

«Կանչ» հաղորդաշարը առաջին անգամ սփռուեցաւ 1 Յունուար 2023-ին եւ շաբաթական դրութեամբ շարունակուեցաւ մինչեւ 4 Յունիս 2023 (ընդամէնը 22 + 1 թիւ): «Կանչ» հաղորդման տեւողութիւնն է միջին հաշուով 40 վայրկեան: Անոր յայտագիրը կ'ընդգրկէ երեք գլխաւոր բաժիններ՝ Լոյսի բանակ, Յոյսի բանակ, ակնարկ մը ՀՕՄ-ի մասին եւ կարճ յայտարարութիւններ: Սոյն ծրագրին պատասխանատուութիւնը ստանձնեց ընկերուհի Լուսին Ժամկոչեան Փալանճեան, օժանդակութեամբ՝ ձայնային գործիքներու պատասխանատու ընկ. Արեգ Գուշեանի: Յոյժ գնահատելի է ընկերուհիին եւ ընկերով բացառիկ ներդրումը այս նոր ծրագրի յաջողութեան մէջ: Հարկ է յիշել, որ այս հաղորդաշարին իրենց մասնակցութիւնը բերին նաեւ ոչ ՀՕՄ-ական երիտասարդուհիներ: Զանազան ընկերային հարթակներու, յատկապէս դիմատետրի, Apple podcast-ի, Spotify-ի կամ YouTube-ի միջոցաւ սփռուած այս հաղորդումը լայն արձագանգ գտաւ եւ գնահատուեցաւ ՀՕՄ-ի անդամներու, ազգայիններու եւ ունկնդիրներու կողմէ: Տեղին է յիշել, որ այս կայքի՝ linktr.ee/arscanada միջոցաւ ունէ անձ կրնայ ունկնդրել վերոյիշեալ հաղորդումի ամբողջ շարքը, ընտրել էտք իր փափաքած հարթակը: Վարչութիւնս կ'առաջարկէ բոլոր փափաքողներուն արձանագրուել (follow/subscribe) որեւէ հարթակի, որպէսզի իրենց համար հասանելի ըլլան բոլոր նոր հաղորդումները:

Ըստ YouTube-ի, Facebook-ի, Spotify-ի եւ այլ հարթակներու տուեալներուն՝ «Կանչ» հաղորդումը հասած է շուրջ 7900 անձի:

Լրատու
Ինչպէս գիտենք, «Լրատու» կ'արտացոլացնէ Շրջանային վարչութեան եւ իր տարբեր մասնաճյուղերուն բեղուն գործունէութիւնը: Թագաթահարի նախօրեակին երեք տարուան պարտադիր դադարէ մը ետք, այս տարեշրջանին Լրատուի յանձնախումբին անդամները լծուեցան գործի եւ Յունիսի աւարտին յաջողեցան այս աշխատանքը գլուխ հանել: Լրատուի 28-րդ թիւը կը ներփակէ Յունիս 2019-էն մինչեւ Յունիս 2023 տարիներու Շրջանային վարչութեան եւ իր մասնաճյուղերուն բեղուն գործունէութիւնը: Յանձնախումբին մօտ վարչական կապն է ընկՏ. Ազգանուշ Հատիտեան:

Շրջանային վարչութեան երկամեայ տեղեկատու (Newsletter)

Սեպտեմբեր 2019-ին սկսեալ լոյս տեսած են 33 թիւեր, որոնք կը ներառեն Շրջանային վարչութեան եւ իր տասը մասնաճիւղերուն ձեռնարկներու թղթակցութիւններ, հաղորդագրութիւններ, հարցազրոյցներ, տեսանիւթեր, նկարներ, յայտարարութիւններ, կրթական, կազմակերպական, բարեսիրական եւ այլ գործունէութեանց մասին տեղեկութիւններ, Կեդրոնական վարչութեան իրագործումներ եւ ապագայի ծրագիրներ: Այս տարի եւս «Տեղեկատու»-ի աշխատանքի պատրաստութիւնը յանձնուեցաւ ընկՏ. Անի Հոթոյեան ժողիին: Յոյժ գնահատելի է ընկերուհիին ներդրումը այս ծրագրի յաղողութեան մէջ:

Կայքէջ

Վարչութիւնս շարունակեց գործակցիլ Emagine Multimedia ընկերութեան սեփականատէր պրն. Սամ Գալուստեանի հետ, կայքէջի վերաբերեալ հարցերը եւ հարկ եղած պարագային նորութիւններ ներմուծելու համար:

Հոս տեղին է գնահատել ընկՏ. Անի Գրալեանի ներդրումը, մանաւանդ բծախնդիր հետեւողական աշխատանքը՝ կայքէջի նիւթերու թարմացման աշխատանքին մէջ, ուր կ'արտացոլան վարչութեանս եւ իր տասը մասնաճիւղերուն գործունէութեանց պատկերը:

Դիմատետր

Տրուած ըլլալով որ դիմատետրը արդիական միջոց մըն է Հայ Օգնութեան Միութեան գործունէութիւնը եւ անոր նպատակին ու առաքելութեան քարոզչութիւնը կատարելու, վարչութիւնս յատուկ ուշադրութիւն դարձուց եւ լրջօրէն հետեւեցաւ հոն գետեղուած բոլոր նիւթերուն, պահելու համար բարձր որակ եւ ՀՕՄ-ի վայել մակարդակ: Հոն լայն տեղ տրուեցան Շրջանային վարչութեան եւ մասնաճիւղերու առօրեայ ծրագիրներու յայտարարութիւններուն եւ իրագործումներուն: Դիմատետրի հարթակէն մեծապէս օգտուեցաւ Շրջանային վարչութիւնը, յատկապէս, ջաւախքահայութեան եւ սուրիահայութեան օժանդակութեան առթիւ կազմակերպուած հանգանակութիւններու ծանուցումները կատարելու համար:

2022-2023 տարեշրջանին, դիմատետրի գործը տարին ընկերուհիներ Իռէն Թիլիմեան, Լուսին Ժամկոչեան Փալանճեան եւ Անի Հոթոյեան ժողի:

YouTube

Շրջանային վարչութեան YouTube-ի ալիքը, վարչութեանս կողմէ յաճախակիօրէն թարմացուեցաւ: Հոն գետեղուեցան հեռատեսիլի գանազան կայաններու հետ սփռուած տեղեկատուական մեր բոլոր հարցազրոյցներու տեսերիզները եւ շաբաթական գրութեամբ սփռուող «Կանչ» հաղորդումը:

Հարցազրոյցներ

Վարչութեանս ատենապետ ընկՏ. Լուսին Ժամկոչեան Փալանճեան եւ ընկՏ. Անի Հոթոյեան ժողի գանազան առիթներով հարցազրոյցներ ունեցան «Հայ Հորիզոն» եւ «Նոր Հայ Հորիզոն» հեռատեսիլի կայաններէն: Ատենապետուհին նաեւ հարցազրոյցներ ունեցաւ «Հորիզոն» շաբաթաթիւթերի եւ «Թորոնթոն» ամսաթիւթի հետ, ՀՕՄ-ի Գանատայի Շրջանային վարչութեան տեղական, սփիւռքի եւ Հայաստան-Արցախ գործունէութեան, Սուրիոյ երկրաշարժէն տուժածներու օժանդակութեան, Զաւախքի Հայ կեդրոններու օժանդակութեան հանգանակութիւններու նիւթերով: Ընկերուհիին նաեւ հարցազրոյց մը ունեցաւ «Լաւալի Հայ Կեդրոնի Զայն» ձայնասփիւռի հաղորդավարներուն հետ՝ սուրիահայութեան օժանդակութեան գծով:

Հարցազրոյցներու կողքին, վարչութիւնս հաղորդագրութիւններով եւ կոչերով հանգէս եկաւ իր ծրագիրներուն եւ

յատուկ հանգանակային արշաւներուն մասին անդրադառնալու համար, ինչպէս նաեւ գանազան առիթներով արտայայտուեցաւ կամ իր սրտի խօսքը արտասանեց միութեանական գործունէութեանց, ազգային ու ժողովրդային տօնախմբութիւններու ընթացքին:

Յատուկ ծրագիրներ-հանգանակութիւններ

Սուրիահայութեան օժանդակութիւն

6 Փետրուար 2023-ին Սուրիոյ աղէտալի երկրաշարժէն տուժած սուրիահայութեան օգնութեան հասնելու նպատակով, Շրջանային վարչութիւնը անմիջապէս գործի լծուեցաւ, եւ յաջորդօրն իսկ ՀՕՄ-ի Կեդրոնական վարչութեան փոխանցեց \$25,000 US, որպէս անմիջական օժանդակութիւն:

Շրջանային վարչութիւնը համագործակցաբար ՀՅԴ Գանատայի Կեդրոնական կոմիտէին, ուղեկից միութիւններու ներկայացուցիչներով յառաջացուց 20 անդամներէ բաղկացած սուրիահայութեան օժանդակութեան միացեալ մարմին մը, կատարելու հանգանակային արշաւ մը, ժամկէտ ունենալով 30 Ապրիլ 2023 թուականը: Վարչութեանս ներկայացուցիչն էր ատենապետ ընկՏ. Լուսին Ժամկոչեան Փալանճեան եւ յանձնախումբի ատենապետն էր ընկՏ. Անի Հոթոյեան ժողի:

Յանձնախումբը երկշաբաթական գրութեամբ առցանց ժողովներ գումարեց եւ իր աշխատանքին աւարտական բնոյթ մը տալու նպատակով վաւերագրական ժապաւէն մը պատրաստելու համար Սուրիոյ «Հայ Հորիզոն» հեռատեսիլի անձնակազմին աջակցութեամբ: «Շտապ օգնութեան խօսուէն պատկերներ» խորագիրը կրող այս ժապաւէնը սփռուեցաւ Օնթարիոյի եւ Քեպէկի հայկական հեռատեսիլի կայաններէն:

ՀՕՄ-ի Գանատայի շրջանի տասը մասնաճիւղերուն եւ ուղեկից միութիւններուն ջանքերով, ինչպէս նաեւ նուիրատուներու առատաձեռն մասնակցութեամբ կարելի եղաւ որոշուած ժամանակամիջոցին հանգանակել \$164,523 US:

Լիբանանի Ազգային վարժարանի ՀՕՄ-ի գրադարան

Ընդառաջելով Կեդրոնական վարչութեան առաջարկին, Շրջանային վարչութիւնս \$2,000 US յատկացուց Լիբանանի Ազգային վարժարանի ՀՕՄ-ի գրադարանի նորոգութեան ծախսերուն:

Երեւանի Հերացի թիւ 1 Զինուորի տուն վերականգնողական կեդրոն

Հայ Օգնութեան Միութիւնը 2017-էն ի վեր իր նիւթական եւ բարոյական աջակցութիւնը կը ցուցաբերէ այս կեդրոնին, ուր բուժում կը ստանան պատերազմի պատճառով հաշմանդամ հայ զինուորներ:

Այս տարեշրջանին Շրջանային վարչութիւնը հովանաւորեց երկու թորոնթօքնակ հայորդիներու՝ պրն. Խորէն Մարտոյեանի եւ պրն. Ռաֆֆի Տէմիրճեանի ներկայացուցած հեծելարշաւի ծրագիրը, ի նպատ Զինուորի տուն վերականգնողական կեդրոնին՝ վիրահատման սարքաւորումներու ապահովման: Ծրագրիին մեկնարկը սկսաւ Թորոնթոյի «Յոյսի Այգի»էն 12 Օգոստոս 2022-ին եւ աւարտեցաւ Օթթաուայի «Եռուէֆ Գարշ»-ի արձանին քով 15 Օգոստոս 2022-ին: Սոյն ծրագրին միջոցաւ հանգանակուած 25,000 տոլարը Կեդրոնական վարչութեան միջոցաւ փոխանցուեցաւ վերականգնողական կեդրոնի տնօրէնութեան: Տեղին է յիշել, որ պրն. Մարտոյեան եւ պրն. Տէմիրճեան միասնաբար հոգացին հեծելարշաւի հետ առնչուող բոլոր ծախսերը:

Եկամուտի աղբիւրներ

Տարետուրք

Բոլոր մասնաճիւղերը ժամանակին կատարած են իրենց տարետուրքերը:

Կրթանպաստ ծրագիր

Այս ծրագիրը հաստատուած է կրթական հաստատութիւններու եւ կրթաթոշակի ծրագրին նիւթական ապահովելու նպատակով: Փափաքելի է, որ բոլոր անոնք որոնք նախորդ տարիներուն ՀՕՄ-ի կրթաթոշակ ստացած են, քաջալերեն այս ծրագիրը:

Սրտէ սիրտ

«Սրտէ սիրտ» խմբակցութեան նպատակն է սատարել վարչութեանս տրամադրած կրթական օճախներու յատկացումներուն: Այս տարի խմբակցութեան մաս կազմած են 106 անդամներ եւ 10 մասնաճիւղեր: Անդամակցութեան տարեկան սակն է \$100:

Այլ աղբիւրներ

2022-2023 տարեշրջանին, մեր ընկերուհիներուն կատարած կամաւոր աշխատանքին եւ Շրջ. վարչութեան ու ազգայիններու ջանքերուն շնորհիւ, ստացանք հետեւեալ նուիրատուութիւնները օտար կազմակերպութիւններէ եւ ընկերութիւններէ.

- CN Employees \$1,830.00
- Facebook Paypal \$2,161.00
- BENEVITY/ CN \$16,919.00
- Centraide \$1,474.00
- CAF Canada \$48.34
- Institute of Corporate Directors \$1,375.00
- TOTAL \$23,807.34

Անի Տէմիրճեան հիմնադրամ եւ կտակ

2020-ին ընկՏ. Անի Տէմիրճեան փափաք յայտնած էր իր անունով հիմնադրամ մը ստեղծել, որ պիտի օգնէր գանատաբնակ հայ ծագում ունեցող ուսանողներուն, բարձրագոյն կրթութիւն ստանալու գոյէճի եւ համալսարանի բաժիններէն: Այս խոստումին դիմաց օրին իրմէ ստացած էինք \$10,000: ԸնկՏ. Տէմիրճեան վարչութեանս հետ համաձայնագիր մը ստորագրած էր, խոստանալով յետ մահու իր կտակին մէջ \$300,000 յատկացնել վերոյիշեալ ֆոնտին: 2022 թուականին ընկՏ. Անի Տէմիրճեանի վաղահաս մահէն անմիջապէս ետք, պաշտօնապէս տեղեկացանք, որ իր կտակին մէջ յիշուած էր վերոնշեալ գումարը եւ այլ դրամական մանրամասնութիւններ, որոնք կը յուշեն մեզ, որ կտակին իրագործումը որոշ ժամանակի կը կարօտի:

Վանուհի Իսաջանեան հիմնադրամ եւ կտակ

ԸնկՏ. Վանուհի Իսաջանեան իր ողջութեան կտակած էր, յետ մահու իր բոլոր ստացուածքով հիմնադրամ մը ստեղծել, որմէ շահարկուած գումարը պէտք է յատկացուի Ախուրեանի Մօր ու մանկան առողջապահական կեդրոնին:

ԸնկՏ. Իսաջանեանի մահէն ետք, երբ դրամատնային հաշիւները փակուեցան, Շրջանային վարչութեան կողմէ հաստատուած Վանուհի Իսաջանեան ֆոնտին գումարը բարձրացաւ \$60,000-ի:

ՀՕՄ-ի մնայուն ծրագիրներ

- Արցախի Ստեփանակերտի Սօսէ մանկապարտէզ
- Զաւախքի կրթական եւ մշակութային ծրագիր
- Զոհուած հերոսներու զաւակներ
- Որբերու ուսման ծրագիր
- Մօր ու մանկան առողջապահական կեդրոն

Անձեռնմխելի հիմնադրամներ

- ՀՕՄ- ի հիմնադրամ
- Տէր եւ տիկին Նուպար ձեւուրեան
- Նայիրի Պողոսեան Նազարեան
- Գրիգոր եւ Ռազմուհի Շահինեան

- Մովակ Խաչերեան
- Պօղոս եւ Մարի Սահակեան
- Վարուժան Պասթաճեան
- Տիգրանուհի Արթինեան
- Արսէն Օհանեան
- Արմենուհի Փիլիկեան
- Մաննիկ Տայլէրեան
- Թէօփիստ Կարապետեան
- Նորա Կէօնճեան
- Պօղոս Քէլեան Լինթեան
- Յարութիւն Եսայեան
- Անի Տէմիրճեան
- Վանուհի Իսաջանեան

Կեդրոնական վարչութիւն Յարաբերական

ՀՕՄ-ի Կեդրոնական վարչութեան հետ մեր յարաբերութիւնները եղած են միշտ սերտ:

Ընթացք տուած ենք Կեդրոնական վարչութեան յղած շրջաբերականներուն, նամակներուն եւ յուշանօթերուն, ի պահանջեալ հարկին գանոնք փոխանցած ենք մեր մասնաճիւղերուն եւ անդամներուն:

2022-2023 տարեշրջանի մեր նիւթաբարոյական գործունէութեան բոլոր տուեալները անյապաղ յղած ենք Կեդրոնական վարչութեան:

Պաշտօնական նամակագրութեան կողքին, վարչութիւնս հեռաձայնային հաղորդակցութեան միջոցով եւ ել-նամակներով կապ հաստատած է Կեդրոնական վարչութեան գրասենեակին հետ:

Հայաստան համահայկական հիմնադրամ

Հայաստան Համահայկական Հիմնադրամի Թորոնթոյի վարչութեան մօտ ՀՕՄ-ի մնայուն աթոռի ներկայացուցիչն է ընկՏ. Հուրի Նաճարեան, իսկ Մոնթրէալի «Սօսէ» մասնաճիւղի ներկայացուցիչն է ընկՏ. Սօսի Խարապոյեան եւ Լաւալի «Շուշի» մասնաճիւղինը՝ ընկՏ. Բրիտտին Աֆարեան:

ՀՕՄ-ի Զոհուած հերոսներու զաւակներ ծրագիր

ՀՕՄ-ի Կեդրոնական վարչութեան կողմէ 2021-ին հաստատուած այս ծրագրին նպատակն է \$330 US-ով Արցախի 44-օրեայ պատերազմին զոհուած հերոսի զաւակի մը խնամակալութիւնը ապահովել: Գանատայի Շրջանային վարչութիւնը ապահոված է զոհուած հերոսներու 149 երեխաներու մէջ տարուան խնամակալութիւնը եւ \$47,520 US փոխանցած Կեդրոնական վարչութեան:

ՀՕՄ-ի Որբերու ուսման ծրագիր

2022-2023 տարեշրջանին Գանատայի շրջանը հովանաւորած է 55 ուսանողներ եւ այս նպատակով Կեդրոնական վարչութեան փոխանցած \$17,600 US:

ՀՕՄ-ի Լաւազոյն ուսանող ծրագիր

Կեդրոնական վարչութեան կողմէ 1995-ին հաստատուած այս ծրագրին նպատակն է Հայաստանի, Արցախի եւ Զաւախքի բարձրագոյն նիշեր ապահովող իւրաքանչիւր ուսանողի փոխանցել \$100 US: Գանատայի շրջանը այս ծրագրին համար Կեդրոնական վարչութեան փոխանցած է \$2,000 US, գնահատելով 20 աշակերտ:

Ախուրեանի Մօր ու մանկան ծննդատուն

2022-2023 տարեշրջանին մեր մասնաճիւղերը իրենց նիւթական աջակցութիւնը բերած են Մօր ու մանկան առողջապահութեան կեդրոն-ծննդատան: Զանազան առիթներով նաեւ ազգայիններ իրենց նուիրատուութիւնները կը շարունակեն կատարել ի նպաստ այս կեդրոնին:

Զաւախք

2022-2023 տարեշրջանին ՀՕՄ-ի Գանատայի Շրջանային վարչութիւնը

կազմեց «Ջալախք» Հիմնադրամի յանձնախումբը, ՀՅԴ ԿԿ քաջալերանքով եւ նկատի ունենալով որ ՀՕՄ-ը կը հովանաւորէ Ջալախքի երեք երիտասարդական կեդրոնները եւ կը գործակցի Ախալքալաքի TUMO-ի կեդրոնին հետ: Վարչութիւնս լաւատեղեակ ըլլալով Ջալախքի լեզուական, կրթական, ընկերային, տնտեսական, մշակութային հարցերուն եւ լաւապէս ըմբռնելով Ջալախքահայութեան կարեւորութիւնը, յանձնախումբին հետ խորհրդակցաբար Մայիս ամիսը հռչակեց «Ջալախքի ամիս»: Ամիսը յատկանշուեցաւ քարոզչական, հանգանակային եւ այլ ծրագիրներով, որոնց ընթացքին մեր թերթերու, ընկերային ցանցերու եւ հեռատեսիլի ճամբով ժողովուրդին ներկայացուեցան ՀՕՄ-ի հովանաւորած երեք երիտասարդական կեդրոններուն եւ Ախալքալաքի TUMO-ի ծրագիրները եւ անոնց նիւթապէս սատար հանդիսանալու կարեւորութիւնը: Ինչպէս միշտ այս տարի եւս մեր մասնաճիւղերը Ջալախքի տարեկան յատկացումներէն անկախ սատար հանդիսացան այս դրամահաւաքին:

Մինչեւ օրս այս հանգանակութենէն գոյացած է 33,295 տոլար: Յանձնախումբին մօտ վարչութեանս ներկայացուցին էր ընկերուհի Արփի Սանոսեան:

Ամանոր ծրագիր
Նոր Տարուան առիթով կազմադրուեց կը տրամադրուի հայրենիքէն ներս թէ գուրս գործող եւ կարիքաւորներու ծառայող հիմնարկներու: Այս նպատակով, այս տարի եւս վարչութիւնը իւրաքանչիւր անդամի համար \$3 US դրամահաւաքի պարտաւորութիւնը կատարեց եւ Կեդրոնական վարչութեան փոխանցեց \$3,600 US: Սոյն գումարը գոյացաւ մասնաճիւղերու ներդրումով, անդամներու անդամավճարներուն վրայ աւելցնելով պահանջուած գումարը:

Սուրբհայ երեխաներու կազմադրուեց
Այս տարի եւս Սուրբհայ երեխաներու ամանորի կազմադրուեց ծրագրի իւրաքանչիւր անդամի \$7 US յատկացումը կատարուեցաւ:

Այս օժանդակութիւնը յատկացուեցաւ Հայկական Ազգային Միացեալ վարժարանի մանկապարտէզի եւ նախակրթարանի աշակերտութեան:

Պուրկարիոյ մանկապարտէզներ
Այս տարի եւս, Պուրկարիոյ միաւորին «Հայերէն խօսինք» եւ ուսուցիչներ պատրաստելու դասընթացներու ծրագիրներուն նպաստելու համար, վարչութիւնը \$2,000 US յատկացուց այս ծրագրին:

ՀՕՄ-ի 8-րդ միջազգային նաւապտոյտ
Քաջալերելու համար Կեդրոնական վարչութեան այս ծրագիրը, երկու յատուկ շրջաբերականներով, յաճախակի առիթներով եւ մամուլով յայտարարութիւններ կատարեցինք, խրախուսելով մեր անդամներն ու համակիրները մասնակցելու Հարաւային Ամերիկայի այս

շրջապտոյտին:
ՀՕՄ-ի Կրթաթոշակ
2022-2023 տարեշրջանին Գանատայի շրջանէն կրթաթոշակ ստացան Շանթ Վարդանեան եւ Տիգրան Սահակեան:

Յարաբերական - ՀՕՄ-ի շրջաններ
ՀՕՄ-ի ԱՄՆ-ի Արեւմտեան եւ Արեւելեան շրջաններէն ստացած ենք Պատգամաւորական ժողովներու հրաւերներ եւ գրաւոր փոխանցած հեղասահ եւ արդիւնաբեր ժողովի մեր մաղթանքները:

ՀՅԴ Գանատայի Կեդրոնական կոմիտէ
ՀՅԴ Գանատայի Կեդրոնական կոմիտէին հետ վարչութեանս կապերը դրսեւորեցին սերտ եւ համագործակցական ոգի:

ՀՅԴ Կեդրոնական կոմիտէին, ի նպաստ Հայ Դատի հանգանակութեան յանձնախումբին մօտ ՀՕՄ-ի ներկայացուցիչն էր ընկերուհի Անի Օհանեան:

ՀՕՄ-ի Գանատայի շրջանը իր 10 մասնաճիւղերով 30,000 տոլար յատկացուց սոյն հանգանակութեան:

ՀՅԴ Գանատայի Կեդրոնական կոմիտէին հետ համագործակցաբար, կազմակերպեցինք Սուրբիոյ երկրաշարժէն տուժած սուրբհայերու օժանդակութեան հանգանակութիւնը:

2022-2023 տարեշրջանին ԿԿ-ին կողմէ ՀՕՄ-ի կապն է ընկճ. Մարալ Նազարեան:

Գանատայի Հայոց Թեմի Ազգային առաջնորդարան

Ձանազան առիթներով կապ պահեցինք Գանատայի Հայոց Թեմի առաջնորդ Գերշ. Տ. Բաբգէն Սրբ. Արք. Չարեանի եւ Ազգային վարչութեան հետ:

Ընդառաջեցինք իրենց կողմէ կատարուած բոլոր հրաւերներուն:

Ուղեկից միութիւններ-կազմակերպութիւններ

Ներկայ գտնուեցանք Ուղեկից միութիւններու եւ կազմակերպութիւններու ներկայացուցչական ժողովներուն ու ձեռնարկներուն, հայկական վարժարաններու հանդէսներուն, իսկ բացակայութեան պարագային նամակով իրենց հարգընկերները մեր սրտագին բարեմաղթութիւնները:

«Հորիզոն» շաբաթաթերթ
Բոլոր մասնաճիւղերը կատարեցին «Հորիզոն Մանկապատանեկան» յաւելումով իրենց տարեկան յատկացումները եւ 2022-2023 տարեշրջանին համար, «Հորիզոն» շաբաթաթերթին փոխանցեցինք \$14,000:

ՀՀ դեսպանութիւն
20 Նոյեմբեր 2022-ին այցելեցինք ՀՀ դեսպանատուն, ուր հիւրընկալուեցանք վսեմաշուք դեսպան տիկին Անահիտ Յարութիւնեանի կողմէ:

Հանդիպման աւարտին դեսպանին յանձնուեցաւ նամակ մը, որուն մէջ ամ-

2022-2023 ՏԱՐԵՇՐՋԱՆԻ ՀՕՄ-Ի
ՅԱՏԿԱՑՈՒՄՆԵՐՈՒ
ԸՆԴՀԱՆՈՒՐ ՊԱՏԿԵՐ
ՄԱՍՆԱՃԻԻՂԵՐ
\$442,057.00
ՇՐՋԱՆԱՅԻՆ ՎԱՐՉՈՒԹԻՒՆ
\$404,904.00
ԸՆԴՀԱՆՈՒՐ ԳՈՒՄԱՐ
\$846,961.00

փոփոխած էին վարչութեան մտահոգութիւնները հայրենիքի եւ Արցախի ներկայ ճգնաժամի կապակցութեամբ:

ՀՕՄ-ի յատկացումներ
Տեսնել այս էջին վրայ տեղագրուած նկարը:

Շնորհակալիք

Վարչութիւնս ի սրտէ շնորհակալութեան խօսք կ'ուղղէ Գանատայի Հայոց Թեմի բարեջան առաջնորդ Գերշ. Տէր Բաբգէն Սրբ. Արք. Չարեանին, մեր հոգեւոր հայրերուն, ՀՕՄ-ի Կեդրոնական վարչութեան, ՀՅԴ Գանատայի Կեդրոնական կոմիտէին, քոյր միութիւններուն, «Հորիզոն» շաբաթաթերթի խմբագրութեան եւ անձնակազմին, «Հայ Հորիզոն» եւ «Նոր Հայ Հորիզոն» հեռուստատեմերու եւ անձնակազմներուն, Սրտէս-սիրտ խմբակցութեան, Կրթնապաստ ծրագրի նուիրատուներուն, հայրենիքի մեր անմահ հերոսներու զաւակներուն՝ ծնողագուրկ երեխաներու եւ ուսանողներու խնամակալներուն, ՀՕՄ-ի դրամահաւաքներու նուիրատուներուն, դասախօսներուն, ազգային վարժարաններու տնօրէնութեանց եւ անձնակազմներուն, Արեգ Գուշեանին, Ռուպինա Յարութիւնեան Մալոյեանին, Լոռի Փալանճեանին, Ռուպինա Քէօշկէրեան Քէշիշեանին եւ ՀՕՄ-ի համայն բարեկամներուն եւ բարերարներուն:

Գնահատանքի արժանի են փոխան ծաղկեպսակի կամ հոգեճաշի եւ այլ ընտանեկան առիթներով անհատներու եւ ընտանիքներու կատարած նուիրատուութիւնները ՀՕՄ-ի ծրագիրներուն:

Յատուկ շնորհակալութեան խօսք ունինք նաեւ ընթացիկ տարեշրջանին Շրջանային վարչութեանս գործունէութեան ծրագրային եւ կազմակերպական աշխատանքներուն սատարող յանձնախումբերու անդամներուն, շրջանի տասը մասնաճիւղերու վարչութիւններուն եւ մեր բոլոր անդամներուն, որոնք կը կազմեն մեր ազգայնապատ աշխատանքի ամենակարեւոր մասնիկները:

Եզրափակում
Հայ Օգնութեան Միութեան Գանատայի Կանոնադրի Յօդուած 11-ի մաս 22-Ա.-ի տրամադրութեան համաձայն,

Շրջանային վարչութիւնս այսու կը ներկայացնէ 2022-2023 միամեայ իր նստաշրջանի նիւթաբարոյական տեղեկագիրը, առ ի քննարկում եւ արժեւորում ՀՕՄ-ի 102-րդ եւ Գանատայի Շրջանի 26-րդ Պատգամաւորական ժողովին:

Շրջանային վարչութիւնը հպարտութեամբ եւ մեծ գոհունակութեամբ աւարտեց իր միամեայ նստաշրջանը, որուն լայնածաւալ գործունէութեան նիւթաբարոյական պատկերը պարզուեցաւ այս տեղեկագրին ընդմէջէն:

2022-2023 տարեշրջանին վարչութիւնս իր 10 մասնաճիւղերուն, եւ յանձնախումբերուն հետ սերտօրէն գործակցելով կրցաւ դիմագրաւել բոլոր մարտահրաւերները, շարունակել իր ազգանուէր գործունէութիւնը, յաղորդութեամբ աւարտանութիւնները եւ իրմէ ակնկալուած բոլոր ծրագիրները:

Ինչպէս նկատեցինք այս տեղեկագրին մէջ, միամեայ այս տարեշրջանին, Գանատայի տարածքին կատարած մեր յատկացումներէն անկախ, ձեռնարկեցինք եւ կամ մասնակցեցանք բացառիկ դրամահաւաքներու:

Յաջողեցանք նաեւ «Կանչ» հաղորդումը Գանատայի 1250 ՀՕՄ-ականներուն առաքելութեան ձայնային լրատուի մը վերածել եւ տարեկան մեր «Լրատու»-ին միջոցաւ ՀՕՄ-ի Գանատայի շրջանի քառամեայ գործունէութեան պատկերը հարազատօրէն ցոյցանել:

Յաջողեցանք նաեւ միջ-վարչական ժողով եւ երկու սեմինարներ կազմակերպել հետաքրքրական նիւթերու շուրջ:

Այս իրագործումներուն առթիւ հարկ է գնահատել վարչութեանս շուրջ համարմբուած ՀՕՄ-ի գործունէութեան եւ առաքելութեան հաւատացող բարերար ազգայիններու նիւթական թէ բարոյական ներդրումը, մասնաւոր մեր սիրելի եւ նուիրելի ընկերուհիներուն անխոնջ աշխատանքը, եռանդը, աննկուն կամքն ու անհասխնդիր աջակցութիւնը, որոնք հանդիսացան մեր ծրագիրներու յաղորդութեան կարեւորագոյն ազդակները: Վարձքը կատար բոլորին:

Բարի երթ եւ նորանոր յաջողութիւններ ու նուաճումներ կը մաղթենք յառաջիկայ վարչութիւններուն:

